







國初立寧夏府洪武五年廢之徙其民于陝西九年復設寧夏守備于上郡東南距河西北抵賀蘭山蓋四塞之地內有漢石二渠引水灌田足稱富庶亦陝之樂土也所隸賀蘭山後虜賊出沒無時而花馬池鹽川東西三百里地勢平漫與武營靈州一帶又套賊侵犯慶義必由之路

延綏定邊營六十里至 花馬池六十里至  
安定堡六十里至 興武營七十里至  
清水營七十里至 橫城堡三十里至

黃河三十里至寧夏城

一路

慶陽府弘化驛一百里至

曲子驛九十里至 靈武驛九十里至  
清平驛七十里至 山城驛七十里至  
蘭城驛九十里至 小鹽池九十里至  
石溝驛九十里至 高橋驛一百二十里至寧夏城  
寧夏西路 寧夏城七十里至  
邵綱堡四十里至 唐壩堡五十里至  
廣武營四十里至 棗園堡七十里至



石空寺堡四十里至

鎮遠堡六十里至

寧夏中衛二十里至

黃河一十里南至

常樂堡十五里至

黃沙坡五十里至

深井堡九十里至

水泉路門八十里至

靖虜衛七十里至

郭城驛九十里至

紅峯驛一百二十里至

會寧縣六十里至

西華驛六十里至

安定縣六十里至

科勃灣驛六十里至

清水驛六十里至

猪嘴驛六十里至

蘭州

### 保障考

一北虜住牧套內非昔往來不時者可比也其保障惟以邊牆為主本邊內外大小邊牆及花馬池一帶壕塼疊牆俱見總考下中間詳悉該載不盡者復見于此

一達虜依水草為居花馬池東南一帶惟鐵柱泉有水又東南至梁家泉有水又東南至甜水紅柳榆樹等泉史巴都韓家長流等處有水總制劉天和題于鐵柱泉築城梁家泉築堡甜水泉史巴都等處築塼一

時水源俱各據守賊無飲焉之處誠百世之利也

一先年套內零賊不時進至石溝蓋池及固靖各堡搶掠花馬池一帶全無耕牧自築外大邊以後零賊絕無數百里間荒地盡耕孳牧遍野糧價亦平但內有鹵濕墻七十餘里寧夏又不肯協心防守數萬大勢套賊卒至猶不能禦內固原小邊每年修理二次亦各完備但青沙峴八十餘里俱走沙礫石隨風剝落隨脩隨壞工力不堪節年套賊從此深入腹裏搶掠一新紅寺堡直北稍西舊有深險夫溝一道受迤東礮圍梁家泉直北稍西舊有深險夫溝一道受迤東礮

山之水流于黃河長一百二十五里總制劉天和整崖築堤一百人里五分築墻堡一十六里八分自大邊至此重險有四道矣

一寧夏北賀蘭山黃河之間外有舊邊墻一道嘉靖十年總制王瓊于內復築邊墻一道官軍遂棄外邊防守以致邊內田地荒蕪十五年總制劉修復外邊防守黃河東與外邊對岸處修築長堤一道順河直抵橫城大邊墻以截套虜自東過河以入寧夏之路寧夏西倚賀蘭山天險爲固山口一十二處寬狹不

等共止量長一十五里舊每口各有關墻三道今盡  
圯廢不修以致大虜時入搶掠

一寧夏南自大壩起至山嘴兒墩止長八十四里總制  
王瓊脩鑿崖崖道

責任考

巡撫都御史一員駐劄寧夏城坐名

勅書

責任同榆林

鎮守太監一員駐劄寧夏城嘉靖十八年五月裁革

鎮守總兵官一員駐劄寧夏城坐名

勅書

責任操練軍馬修理城池嚴明號令防禦虜寇撫恤  
士卒一應戰守機宜須與本處鎮守巡撫內外官員  
計議停當而行各路副將以下官員悉聽節制尤須  
持廉秉公正已率下以副委托如或貪殘僨事法難  
輕貸

協守寧夏副總兵一員駐劄寧夏城坐名

勅書

責任操練軍馬修理城池防禦賊寇保障地方遇警

領軍殺賊九軍中事情與鎮守官計議停當而行不

許偏執違拗致僨事機尤須持廉秉公正已恤軍庶

於委任斯無所負

分守中路左叅將一員駐劄永清營地方坐名 勅書

分守西路左叅將一員駐劄中衛坐名 勅書

分守東路右叅將一員駐劄花馬池地方坐名 勅書

責任同務要操練軍馬脩理城池防禦賊寇邊警身

先士卒九事仍聽鎮巡等官節制尤須持廉秉公正

已恤下不許偏執違扣及貪利害人法不輕貸

遊擊將軍一員駐劄寧夏城坐名 勅書

責任統領義勇兵三千員名常年依期分布清水

營按伏如遇花馬池靈州一帶地方有警俱聽鎮巡

官調遣策應用防虜寇務須撫恤軍士如法操練期

副委任不許殘虐致令失所責有所歸

協同分守寧夏東路興武營官一員駐劄興武營地方

坐名 勅書

協同分守寧夏西路廣武營官一員駐劄廣武營地方

坐名 勅書

責任同令其操練軍馬修理城池防禦賊寇九事俱

與本路叅將計議停當而行所在官軍俱聽調度敢

有抗違者聽本官輕則呈稟鎮巡官處置重則指實  
叅奏擊究尤須應以律已仁以撫下不許偏執違物  
有負委任

領班備禦官二員不坐名 勅書

責任與宣府春秋班同

管理鎮城事務官一員駐劄宣夏城 劄付

鎮城坐營官一員駐劄寧夏城 劄付

守備玉泉營地方官一員駐劄邵綱堡地方 劄付

守備平虜城地方官一員駐劄平虜城地方 劄付

守備鐵柱泉地方官一員駐劄花馬池地方 劄付

責任與前各守備同

### 軍馬考

本鎮三路各城營堡原額馬步守城及冬操夏種舍餘  
土兵并備禦官軍共七萬二百六十三員名

實在馬步守城冬操夏種舍餘土兵及備禦官軍三

萬五千一百四十四員名

事故等項官軍三萬五千一百一十九員名

中路寧夏城原額馬步守城并冬操夏種舍餘土兵并



備禦官軍三萬三千八百六十四員名

實在官軍一萬七千八百三十七員名

事故等項官軍一萬六千二十七員名

迤東玉泉等營堡原額馬步官軍一千一百七員名

實在官軍一千四十員名

事故旗軍等項六十七員名

迤北正虜等城堡原額馬步官軍并冬操夏種舍餘一

千五百二十二員名

實在官軍一千三百六十七員名

事故等項官軍一百五十五員名

靈州城原額漢土馬步守城冬操夏種舍餘并備禦官

軍七千一十一員名

實在官軍三千四百三十八員名

事故等項官軍三千五百七十三員名

橫城堡原額常操馬步官軍五百一員名

實在官軍二百二十九員名

事故等項官軍二百七十二員名

紅山堡原額官軍二百五十二員名



實在官軍二百四十二員名

事故旗軍一十名

清水營原額官軍五百五員名

實在官軍四百九十五員名

事故等項官軍一十員名

毛卜刺堡原額官軍二百五十一員名

實在官軍一百員名

事故等項官軍一百五十一員名

紅寺堡原額官軍四百一十八員名

實在官軍二百四十二員名

事故等項官軍一百七十六員名

小鹽池營原額常操馬隊并備禦官軍二千七十九員名

實在官軍四百一十四員名

事故等項并備禦官軍二千六百六十五員名

西路中衛城原額馬步守城及冬操夏種舍餘并備禦

官軍九千四十三員名

實在官軍三千八百七十員名

事故等項官軍五千一百七十三員名

鳴沙州城原額官軍四百五十九員名

實在官軍二百七十二員名

事故等項官軍一百八十七員名

廣武營原額馬步并募土兵及備禦官軍一千三百

五十三員名

實在官軍九百三十七員名

事故等項官軍四百一十六員名

東路袍馬池營原額馬步并備禦官軍七千一百三十

三員名

實在官軍二千五百七十五員名

事故等項官軍四千五百五十八員名

安定堡原額常探馬步官軍一千一百二員名

實在官軍四百六十六員名

事故等項官軍六百三十七員名

興武營原額馬步并備禦官軍二千二百八十五員名

實在官軍一千二百四十三員名

事故等項官軍一千四十二員名

鐵柱泉堡實在馬隊官軍三百七十七員名

本鎮原額馬一萬九千五百九十五匹正德三年起至十三年止四次共領過馬二千五百匹馬價銀七萬兩後續領者未經清查

### 錢糧考

陝西布政司歲入本鎮

夏稅秋糧共一十三萬三千四百五十石零各折不等  
共折銀一十二萬九十五兩五分  
夏稅秋糧共一萬四百石每五斗折小綿布一疋  
折布二萬八百疋

馬草一十六萬一千二百四十束

本鎮屯糧一十二萬五千六百四十六石零

屯草二十三萬二千二百束

秋季草二百六十三萬八千束

年例銀四萬兩

額派客兵引鹽銀二萬九千兩

補歲用不敷引鹽銀一十萬一千五百八兩

### 邊防考

東比即套其詳見榆林

西南即蕃族其詳見其肅

天順四年比虜來毛里孩將萬騎寇固原回至黃河大壩對岸下營欲渡河搦大壩得水灌寧夏城時宣夏精騎調授延綏鎮守都督張泰募義勇三千餘人付其子翊管領至壩與虜夾河而營夜半涉河敗之翌日使善水者浮水駕之虜以爲水淺悉衆渡河翊令軍從截其半前驅盡溺水中斬獲數百追出賀蘭山外而還

嘉靖七年十二月初三日套虜六七千騎自宣夏東

北鎮遠關南踏水過昔河循賀蘭山南行總兵杭雄等領兵擊之兵少敗績官軍死者九十一人雄等結營固守待免賊遂由賀蘭山南赤木口出境套虜過河由寧夏境內自賀蘭過莊涼者始此

嘉靖八年八月阿爾充斡北渡河出套由寧夏北境入莊浪住牧九年三月由莊浪入西海與亦不剌和親五月二十六日阿爾充斡子領兵二萬并所娶亦不剌女復由寧夏入套

一成化以前虜患多在河西自虜據套以來而河東三  
百里間更爲敵衝是故規平固則犯花馬池之東入  
靈州等處則清水營一帶是其徑矣築塙畫守始自  
巡撫徐廷章此千載卓然之見也而總制揚一清王  
瓊唐龍劉天和增築更益敵臺足禦竊發矣顧其營  
勢分難當大舉之寇豈人謀地利有未盡耶

一弘治以前虜住套不常間有連歲不入者我邊每歲  
于河凍時決其出入則戒嚴出即解嚴蓋水泮後  
則不能出入矣今虜渾脫飛渡數萬經年住套安爲

巢穴通遼故誘其入此虜實此可與往日論哉

而花馬池一帶通其利涉之境遊騎出沒無日無之

宜乎廷寧固靖終歲不得少息也試嘗籌之若擇花

馬池便利之地大建城堡添設叅遊移總制居之分

屯衆只于清水武興等營令三百里之間旗幟相望

刁斗相聞其鐵柱泉等處水草大路盡建墩堡此不

惟得扼亢先制之計東援榆林西援寧夏亦常山蛇

勢也

一洪武以來虜出入河套往來其涼皆自賀蘭山後取




道自總兵抗權敗後遂以山前爲通衢趙瑛周尚文  
禦之皆失利由此不已或曰舊墩瞭望直出山外有  
警即聞易于過絕今皆廢矣或又曰赤木黃峽等  
舊皆疊石固塞防守有人今亦不然是以莫之能禦  
也

一鎮城南北僅百里東西止二百餘里互王瓊廢鎮遠  
關而城平虜棄地八十里一何易也今虜患愈近而  
民利亦窘善謀者一至是乎若山南作塹以遏西來  
之寇則得之矣中衛備古西隅雖地狹勿守顧山後

之虜竄靖虜奇數有之尋故事云自賀蘭山西至  
鎮番皆漢武舊地今棄之矣果如所論而城守之則  
注涼靖固中衛俱安枕矣 凡九邊論







三國九邊考卷第

甘肅鎮

兵司職方清吏司主事長沙魏煥編集

疆域考

甘肅即漢之河西四郡武帝所開以斷匈奴右臂者

蓋蘭州即漢金城郡過河兩西歷城子莊浪鎮羌古

浪六百餘里至涼州即漢武威郡涼州之西歷永昌

山丹四百餘里至甘州即漢張掖郡甘州之西歷高

臺鎮夷四百餘里至肅州即漢酒泉郡肅州西七十

里出嘉峪關為沙瓜赤斤苦峪以至哈密等處即漢  
燉煌郡與前四郡地方俱隸甘肅至洪武五年宋國  
公馮勝下河西乃以嘉峪關為限遂棄燉煌自莊浪  
岐而南三百餘里為西寧衛古曰湟中自涼州岐而  
北二百餘里為鎮番衛古曰姑藏此又河西地形之  
大略也

蘭州蘭泉縣五十里至 沙井兒驛六十里至  
苦水灣驛六十里至 紅城子驛四十里至  
大通河驛四十里至 莊浪衛四十里至

武勝驛五十里至 蒼口驛五十里至  
鎮羌驛五十里至 黑松驛四十五里至  
古浪城驛六十里至 靜邊驛五十里至  
大河驛四十里至 涼州衛四十里至  
懷安驛五十里至 沙河驛五十里至  
真景驛五十里至 水磨川驛五十里至  
永昌衛六十里至 石峽口驛五十里至  
新河驛五十里至 山丹衛五十里至  
東樂驛四十里至 古城驛四十五里至

甘州城

保障

甘肅一線之路孤懸千五百里西控西域南隔羌戎  
 北遮胡虜山勢曠遠中間可以設險之處固有而難  
 以設險之處居多洪武九年設甘州等五衛于張掖  
 設肅州衛于酒泉設西寧衛于湟中又設鎮番蕃浪  
 二衛又于金城設蘭州衛皆置將屯兵拒守嘗考之  
 漢宣帝命趙充國將兵討羌充國奏曰願留步士萬  
 人屯田部曲相保為塹壘木<sub>樵</sub>校<sub>也</sub>不絕<sub>也</sub>便

兵戍餘聞具謹烽火通勢併力以逸待勞兵之利者  
 也今日守甘肅之臣惟以充國為法斯得矣

責任考

巡撫都御史一員駐劄甘州城坐名

勅書

責任務要操練軍馬撫綏軍士脩理城池教臺關堡  
 整飭器械盔甲什物兼理糧儲禁革奸弊均分灌田  
 水利嚴禁與販私茶關防經過

朝貢恭使撫治附近羈縻番夷九事須與鎮守太監總  
 兵官計議停當而行副叅以下官員悉聽節制

鎮守太監一員駐劄甘州城坐名

勅書

嘉靖十八年五月裁革

鎮守總兵官一員駐劄甘州城坐名

勅書

責任務要操練軍馬修理城池嚴明號令防禦番虜  
撫恤士卒於先戰守機宜與本處鎮守巡撫內外官  
員計議停當而行各路副叅以下悉聽節制尤須持  
廉秉公正已率下以副委任如或營利徇私害人債  
事

憲典具存必不輕貸

協守甘州左副總兵官一員駐劄甘州城坐名 勅書

分守涼州右副總兵官一員駐劄涼州城坐名 勅書

責任同操練軍馬修理城池督瞭墩臺防禦番寇撫  
治番夷九軍中戰守事宜須與鎮巡等官計議停當  
而行不許偏執違拗尤須持廉秉公撫恤士卒圖副  
委任如或貪濫愆事罪不輕貸

分守莊浪左叅將一員駐劄莊浪地方坐名 勅書

責任務要操練軍馬修理城池撫恤軍士防禦賊寇  
尤須持廉秉公正已率下如或貪黷財貨為弛武備

法不輕貸仍聽鎮巡等官節制

分守肅州右叅將一員駐劄肅州地方坐名

勅書

責任務要操練軍馬修葺城堡防禦虜寇撫治番夷

及經理哈密一應來報事情仍聽鎮巡等官節制本

官尤須秉公持廉撫恤軍士毋得黷利等事有負委

任

遊擊將軍一員駐劄永昌地方坐名

勅書

責任令其操練軍馬撫恤軍士常在永昌駐劄東至

赤浪西至甘州往來應援勦殺賊寇仍聽總督鎮巡

等官節制

整飭西寧兵備副使一員駐劄西寧地方不坐名 勅書

責任常在西寧居住兼管赤浪古浪涼州鎮番五衛

所不時往來巡歷地方撫治番夷整飭兵備修理城

池剖理詞訟興革利弊及糾察不法不公事情凡事

俱與布按二司分巡分守并守備官員計議停當而

行不許各分彼此致有悞事仍聽鎮巡官節制若分

守把總撫夷等官敢有培植漁獵苦害軍士騷擾番

夷者聽其指實呈稟鎮巡衙門叅奏提問本官職司



風紀尤須守法奉公潔已恤下如或貪縱怠忽法不輕貸

整飭肅州兵備副使一員駐劄肅州地方不坐名 勅書  
責任常在肅州居住兼管永昌山丹甘肅高臺鎮夷  
等九衛所不時往來巡歷地方整飭兵備撫治番夷  
禁革奸弊所屬軍職果有貪酷害軍士者聽指實叅  
奏如遇番夷出沒行催分守等官相機截殺重大邊  
情悉聽鎮守巡撫官員節制不許廢職怠事有負委任

守備西寧地方官一員駐劄西寧不坐名

勅書

守備鎮番地方官一員駐劄鎮番城不坐名

勅書

責任同令其操練軍馬修理城堡督餉臺防禦虜  
寇遇警相機戰守凡事悉聽總督鎮巡等官節制尤  
須持廉秉公圖副委任如或貪懦不職責有所歸

守備鎮羌堡地方官一員駐劄鎮羌堡

劄付

責任鎮羌堡口二堡備禦官軍內選一千員名推舉

守備官一員統領六百員屯於鎮羌駐劄聽莊浪分

守官節制把總指揮一員統領四百員名於岔口駐

劄聽鎮恙守備官調遣

守備紅城子地方官一員駐劄紅城子

劄付

責任務要操練軍士脩理城池足堪保障尤須持廉秉公撫恤士卒遇警相機剿殺以副委任仍聽分守三邊參將節制如或貪懦不職法不輕貸

守備東昌地方官一員駐劄東昌地方

劄付

責在發遣操練軍馬脩理城池墩臺防禦賊寇尤須撫恤軍士以安地方如或貪懦害軍失誤機事

國典具有存案

守備洪水堡地方官一員駐劄洪水堡

劄付

首任西自順化祁連山東抵花寨大黃山南抵寧番等山隘口北抵六壩黑山等堡俱聽本官管理務要操練軍馬脩理城池防禦番虜勸督屯種嚴謹烽燧保障耕牧遇有警報調領黑城花寨把總及各土兵相機勦殺本官尤須持廉秉公撫恤下人竭忠奮勇以副委任仍聽鎮巡等官節制如或貪懦決不輕貸

守備山丹地方官一員駐劄山丹地方

劄付

責任務要用心操練軍馬保固城池防禦賊寇仍須

持廉秉公正已率下不許貪黷貨利嘗害軍士自取  
罪責

操守鎮夷地方官一員駐劄鎮夷地方 劄付

鎮守高臺地方官一員駐劄高臺地方 劄付

責任同前

甘州領班備禦官二員駐劄甘州城不坐名 勅書

涼州領班備禦官二員駐劄涼州城不坐名 勅書

責任俱與宣府領班官同

軍馬考

肅州左等一十五衛所原額冬探夏種舍餘并調到備

禦陝西蘭臨等衛官軍八萬九千五百一員名

本鎮官軍舍餘七萬九千九百四十五員名

實有官軍舍餘三萬六千一百六十四員名

事故逃亡等項官軍四萬三千七百八十一員名

備禦甘涼鎮永莊浪調到陝西都司蘭臨河鞏洮派

中護衛官軍九千五百七十九員名

實有已到邊見班官軍四千三百七十三員名

事故脫班未到邊官軍五千二百六員名

甘肅左等五衛原額官軍舍餘并調到陝西蘭臨等衛  
備禦官軍二萬九千七百八十八員名

本城官軍舍餘二萬七千二百六十八員名

實有官軍舍餘九千二百六十九員名

事故逃亡官軍一萬七千九百九十九員名

備禦調到陝西都司蘭臨河等衛官軍二千五百一

十員名

實有已到邊官軍一千二百五十五員名

事故脫班未到邊官軍一千二百六十五員名

洪水堡原額官軍舍餘一千二百七十七員名

實有官軍舍餘一千三百六十六員名

事故逃亡等項官軍一十一員名

平川堡原額官軍三百員名

實有官軍二百九十九員名

事故一名

山丹衛官軍舍餘六千九百九十七員名

實有官軍舍餘一千八百九十三員名

事故逃亡等項官軍五千一百四員名

永昌衛原額官軍舍餘并備禦陝西鞏昌等處官軍舍餘六

千三百二十七員名

本城官軍舍餘五千九百五十二員名

實有官軍舍餘一千五百三十員名

事故逃亡等項官軍四千四百二十二員名

備禦鞏昌衛官軍三百七十五員名

實有已到邊見班官軍一百五員名

事故脫逃未到邊官軍二百七十員名

涼州衛原額官軍舍餘并備禦陝西洮泯河等衛官軍

十五百二十九員名

本城官軍舍餘六千七百九十三員名

實有官軍舍餘三千九百八十員名

事故逃亡等項官軍二千八百一十三員名

備禦陝西泯河等衛官軍二千七百三十六員名

實有已到邊官軍一千一十六員名

事故脫逃未到邊官軍一千七百二十員名

鎮番衛原額官軍舍餘并陝西備禦鞏昌白衛官軍四千

一百三十九員名



本衛官軍舍餘三千三百六十員名

實有官軍舍餘二千五百三員名

事故逃亡等項官軍八百五十七員名

備禦陝西鞏昌衛官軍七百六十九員名

實有已到邊軍二百四十七名

事故脫班未到邊官軍五百二十二員名

古浪守禦千戶所原額官軍舍餘一千三百二十員名

實有官軍舍餘二百九十員名

事故逃亡等項官軍一千二十員名

莊浪衛原額官軍舍餘并備禦陝西泰平等衛官軍八

千七百二十八員名

在城官軍舍餘六千七百四十九員名

實有官軍舍餘二千五百七員名

事故官軍舍餘四千二百四十二員名

備禦泰平二衛官軍一千九百七十九員名

實有已到邊官軍五百五十員名

事故脫班未到邊官軍一千四百二十九員名

鎮遠堡防守官軍七百員名調到莊浪衛見在官軍一



百員名蘭河等衛見班官軍六百員名

岔口堡防守官軍調到蘭州備禦見班官軍四百員名

紅城子堡原調官軍一千一百一員名本處莊浪西寧

二衛官軍九百一員名

實有官軍七百三十八員名

事故逃亡等項官軍一百六十三員名

沙井水二堡備禦蘭河一衛實存已到官軍二百員名

實有官軍全餘四千四百七十六員名

事故逃亡等項官軍六百四十九員名

肅州備禦官軍全餘一萬五千五百員名

實有官軍全餘四千五百七十八員名

事故逃亡等項官軍五千四百二十七員名

岷州守禦千戶所原額官軍全餘一千五百二十三員名

實有官軍全餘一千二百二十九員名

事故逃亡等項官軍二百九十四員名

高臺守禦千戶所原額官軍全餘一千六百八十員名

實有官軍全餘一千四百六十六員名

事故逃亡等項官軍三百七十四員名

甘肅行太僕寺洪武年間開設管轄陝西行都司并州等一十五衛所官軍騎操馬匹

本鎮原額馬三千五百六十匹

正德六年起至九年止三次共領過馬三千五百匹  
銀六萬兩以後年分未經清查

苑馬寺永樂年間開設耳泉等六監廣牧等二十四苑  
俱已裁

錢糧考

陝西布政司

夏稅秋糧本色共五千二百九十二碩七斗零

折色共二十七萬六千五百八十五石各折不等共

折銀二十六萬四千四百一十九兩二錢

折布糧共三萬六千二百七斗零每五斗折小綿布

一疋

共折布七萬二千五疋一十六零

本鎮屯糧一十九萬四千三百一十石零

草四百六萬二千一百六十束

羊例銀六萬兩

額派客兵引鹽銀五萬四千二兩  
補歲用不敷引鹽銀四萬九千九百三十二兩  
議處腳價銀一萬七千五百兩

邊夷考

牛肅之邊地虜止貳種亦不刺盤據西海至刺環遼北  
山其餘皆西番種類不一沁河西寧帶附近番族  
以茶馬羈縻而已其餘遠番止令通貢土達元萬  
把丹之後安置平涼今爲亦不刺所據哈密諸番  
本中國藩屏今爲吐魯番所破

一土達元萬力把丹據平涼洪武初歸附授平涼衛正  
千戶部落散處開城等縣縉爲民仍號土達其壯者  
選爲平涼衛軍正統十四年北虜阿渠寇陝西平涼  
土達被掠成化二年北虜大舉入寇固原土達李俊  
迎獻羊酒有北從意四年平涼衛土達滿四反據石  
城都御史項忠討平之

一近番黃河南有洮河二州北有西寧皆漢郡唐末陷  
于吐番宋爲夏元昊所據俱爲蕃族洪武初洮州河  
州西寧各設茶馬司收貯官茶三年一次差京官齎

抹金牌信符往前三處附近番族招蕃對驗納馬洮  
州火把藏思曩日等族牌六面納馬二千五十四匹河  
州必里衛二州七站西番二十九族牌二十一面納  
馬七千七百五匹西寧曲先阿端罕東安定四衛巴  
哇申藏等族牌一十六面納馬三千五十四匹每匹上  
馬給茶一百二十斤中馬七十斤下馬五十斤互市  
茶馬羈縻行法彼等向順後茶馬不行時入侵撥成  
化十九年西番滿松等族反侵內地巡撫都御史馬  
文昇調兵征剿斬首八十三級嘉靖元年西番反侵

內地鎮守都督鄭卿領兵討之不能克以後每歲入  
境殺擄人畜嘉靖八年西番數至鞏昌寇掠敵殺官  
軍焚燒廬舍隴右之民深被荼毒總制尚書王瓊撫  
勦並用破若籠板爾二族擒定七舍等七十族西番  
始寧

一亦不剌正德四年北虜小王子怒頭目阿尔禿廝丞  
相亦不剌欲殺之二首懼奔出河套擁部落萬餘至  
涼州城下乞空閑地安住分守涼州將官閉門不敢  
應凡十餘日始大掠庄堡入西海攻破西寧安定王

等族奉其誥印諸番散亡匪其地居之

哈密即唐伊州元封族子忽紇失里爲威武王卒其弟  
安克帖木兒立未幾四年遣使執貢陔封忠順王賜  
金印西有哈烈北有赤刀把刀畏吾兒罕東北有赤  
斤蒙古南有阿端罕東生于闐等番俱授官賜印爲  
哈密應援哈密能立則進也西藩屏固矣成化九年上魯  
番速壇阿力連量即華言王也調哈密夷衆掠赤斤蒙古諸夷  
特忠順王孛羅帖木兒爲頭目者林所弑王母努温  
答力守國不從阿力擄王母金印以歸二十年甘肅

守臣奏令王母外孫哈密都督罕慎襲忠順王爵食  
殘不仁阻勒貢使弘治元年上魯番速壇阿黑麻詐  
言結親誘罕慎殺之乞矢使往和兵部尚書馬文昇  
請

諭阿黑麻遣使獻還哈密城并金印五年守臣因先

安定王亦板丹與先忠順王脫脫同族奏差官詣西

寧求安定王族孫陝巴者襲封忠順王哈密頭目阿

木郎輔之阿木郎勾引哈刺灰夷人潛住土魯番地

方盜馬殺入阿黑麻領衆入哈密殺阿木郎支解以



陝巴與彼皆蒙古人元之後裔不殺執歸六年命侍郎張海經畧哈密遣吏使捧

詔詣土魯番青諭被留七年阿黑麻復入哈密拒之掠罕東諸衛番夷聲言欲奪占甘州八年巡撫都御史許進至甘州時阿黑麻已退留其頭目牙蘭據守哈密進請兵同總兵劉寧往征十一月攻圍哈密破之牙蘭遁走斬首六十級有脅從者八百餘人九年阿黑麻復襲哈密破之留其頭目撒他兒并哈密頭目奄克字刺等住守刺木城一作克字刺等密命尾刺頭目

小列禿調兵五百襲刺撒他兒并命人奄克字刺回守哈密阿黑麻復遣人圍哈密小列禿領兵來遂退十年阿黑麻差人送陝巴回哈密十七年陝巴嗜酒培植屬夷怨之頭目者力克等往土魯番迎取阿黑麻次子真帖木兒來守哈密陝巴棄城走沙州真帖木兒乃罕慎素所生時年十三歲來哈密近地刺木城居住守臣蓋都指揮朱瑄領軍送陝巴至哈密守國撫送真帖木兒回還本土伊因父阿黑麻死兼兒孽殺不肯回朱瑄携來甘州居住正德陝巴卒其子

拜牙即襲封三年七魯番速壇滿速兒遣使進貢乞  
放真帖木兒回本土不允至六年始送回本土八年  
拜牙即貪尅屬夷怨之走入吐魯番滿速兒遣人來  
守哈密要求賞賜都御史彭澤李昆相繼與段絹等  
檄甚重彼索取無厭肅州兵備副使陳九疇將夷使  
倒刺火者等俱繫獄死滿速兒牙木蘭領兵九萬餘  
騎十一月十五日入嘉峪關十六日遊擊芮寧參將  
蔣存禮領兵禦之俱敗績官軍死者甚多至十二月  
十七日方退起總制王瓊經畧自是哈密衛都督卮  
吉守刺部裏在肅州東關赤斤蒙古衛都督鎖南東  
在肅山北山金塔寺軍東左衛都督只克在肅州南  
黃壩山罕東衛都指揮板丹在甘州南山皆避土魯  
番各失其故土哈密遂不復立矣

經畧考

一西蕃論曰舜命禹徂征三旬苗民逆命及禹班師帝  
誕敷文德七旬有苗來格是古昔帝王制服西夷之  
道在德而不在威也禹平水土二苗至獻厥貢球琳  
琅玕是西夷自隆古時已通貢中國也漢武帝圖西

域制車師置城都護三十六國費歲幣以萬計遂致  
海內虛耗末年有輪臺之悔唐太宗城高昌以其地  
爲西州立郡縣發兵戍守魏徵褚遂良諫曰陛下取  
高昌調人屯戍破產辦裝死亡者衆設使張掖酒泉  
有警陛下豈得高昌一錢斗粟之用終當發隴右諸  
州兵食以赴之耳太宗不從後亦悔之今之哈密即  
唐西伊州之地元封其族裔爲威武王居之

國初改封爲忠順王賜以金印并置哈密諸衛授官降印  
以示羈縻而已後忠順王數世無道不能自立又與

土魯番有隙土魯番屢侵之其初土魯番擄陝巴  
欲遣使往彼和番且欲送回忠順王陝巴復立馬公  
文昇以爲我朝雖北虜強盛未嘗遣一使通和若彼  
自送回陝巴革去王封居于甘州所謂一言而可以  
興邦者土魯番之釁何自而落邪自真帖木兒之來  
不當留而留之其去也不當賞而賞之及其稱兵近  
郊脅求賞賜當出兵擊之而乃不奉

王命遣使納幣虜庭必欲得無道之拜牙即而復立之  
而土魯番之志由此遂驕肆矣愚嘗謂昔日撫夷易

今日無夷難者昔安分而今肆志也自非開誠心明  
大義宣布

朝廷之恩威豈能使彼信服若昔日哉或曰然則哈密  
可棄乎可守乎曰漢武帝昭太宗嘗守之矣不可爲  
法也今土魯番之強驅掠諸番盡失其故土獨哈密  
回回存者以與土魯番同類也我豈能棄之所棄  
而不能立者忠順王一人耳魯番肆志嘗至四海  
劫殺北虜每曰蘭州黃河西我故地使今豐寡端  
不息唐吐番宋元昊據河西中國之事未可保

其必無矣觀者不可以爲易而忽之也

一哈密甘肅藩籬諸番領袖成化以來陷于土魯番恢  
復之議至勤

累朝在今日有難立者二有當緩者四不可例以往日  
何也哈密累敗之餘喪亡畧盡壁是垂死之人身不  
自持縱令復國豈能固守此一難也恢復之計晚論  
不從必煩聲討虛喝謾恐難以震動試言今日可復  
能爲棄教深入之事乎此二難也往建哈密以其能  
制諸夷爲籬障也今不能矣立之何益是故哈密者

昔爲要區今爲散地勝衰之會殊強弱之形異耳當  
緩一也哈密轉徙之衆已長子孫身事讐國遺我以  
難是彼無共天之義我有同舟之急此何爲乎當緩  
二也

累朝以哈密之故勞費萬狀議論無已是以夷人視之  
爲奇貨以爲中國一日不可無哈密也今日索金幣  
明日求進貢今日送金印明日還城池譬之以菓啗  
兒舞弄在手餒令不復言哈密恢復事彼當何爲乎  
以爲將遂有哈密也則豈待中國棄之而後取之以

爲不能則哈密猶舊也况閉門絕貢可以制諸夷之  
命乎當緩三也赤斤蒙古安定曲先等衛亦皆中國  
藩蔽赤斤等衛破于土蕃安定等衛破于盜賊何不  
聞爲彼恢復而切切于哈密乎當緩四也審于六者  
之間則哈密可獲不可復宜復不宜復圖機之士必  
當破衆說而遵長策也見九邊圖論

一說今之議哈密者曰築城置番弗能衛而守也約好  
與師耗費賂而置積也不如棄之不知此池乃我國  
之藩籬不可棄以外夷視之也爲今之計莫若得人



而先其計多緩期效以徐圖之耳始必責彼寇往昔  
犯順之愆納饒寇今日通貢之使施不測之恩以折  
其奸周羈縻之術以緩其謀使彼逆無敢逞而我謀  
有暇日甘肅等衛主兵則補其缺伍遊兵則徙其室  
家而又撫徠多方俾卒旅悉復

國初之盛甘肅等處熟地則做趙克國與也田荒地則  
效魏武令闢墾而又措置多方俾糧餉悉復

國初之積守備既固攻戰時發或要前踵後出其不意  
之擾彼勞我逸日增歸附之酋將見瓦刺瓜沙等處

見彼通好

效魏武令闢墾我則結以恩賚以固其心從之

志亦斤苦必等族依我安妥必漸蕃息我則率以大

義以拯其危有是氣然後于忠順王嫡裔擇其智勇

足以服諸蕃者仍其封爵授以禦侮復讐之畧于亦

斤等衆選其技力足以長諸酋者官爲都督諭以翊

贊協心之謀在我厚蔭應援之勢成而在彼背腹受

敵之機訖然後徙其部落以實空城移其臣主以司

宰御倘彼不陵再四侵奪則哈密犯其前我兵襲其

後赤斤等衛之兵衛脅旁出四面夾攻無不破者徐

取元寇而戮之以示

天恩吾見在彼勢窮必遁稱款必堅然後隨機應變而更爲哈密未遠之圖使勢之在哈密者有如常山之鯨擊其首則尾應擊其尾則首應擊其首則首尾俱應雖十吐魯番亦不能爲哈密患矣此則一勞永逸也

王全勝之策也

見御史楊紹芳邊疏

一說亦不刺者也北遁寇盤據山海吞蘆瀋番爲西南患頃歲已許附尋因其敗弱而棄之頗爲失計何也甘肅之患北虜倏倏來南番坐守之夷下惟上嘗者日

兩犯甘肅以來累拜臣不可不若收海上之虜置之哈密之境結以恩德西制上番北制尾刺比千載一時也倘有成績則今職西域之貢何所不可議者祇恐別起事端不思遠地無干祇云夷心叵測而不知窮虜易用視今日自據西海散處河峽何如邪矧以虛糜得實用借虜地爲干城得失利害不較可知矣見九邊論

一議者謂聯虜而番須復茶馬使得茶而常懷向順我得馬而益壯邊戎蕃族歸心則西海寧居之虜可併

力而驅之矣

一說虜在西海可無備乎曰惟視虜勢之強弱何如耳  
弱則不必備強則備之而爲計甚難前代固有屯兵  
青海以斷羗虜連和內侵者矣而徵輪調發大困民  
力不可爲法也正德十年曾調朔方勁兵逐勦之虜  
逃走松滋旋歸放棄費以萬計竟無成功即其驗也  
爲今之計惟於洮岷河蘭之地繕城堡遠斥堠廣儲  
蓄令諸守帥嚴謹備禦伺海賊強寇連和西蕃有內  
侵之勢則請諸總鎮發精兵駐臨洮鞏甘要害之地

以拒之

一西寧控十三蕃族四堡六千戶所近又益以海寇之  
擾亦要地矣不令屬莊浪而另設叅將易瓚之議是  
也若我

太宗以夷治夷建寺立僧之法蓋有深意今有講其故者  
乎西域之貢番文動數百紙詐冒相仍騷擾無益若  
給符限年勒以名數庶可久之道也

一河西屯田敵矣二千里內計丁一萬七千耳屯守不  
設耕種難也累遭殘破生聚難也腹劑無已休養難

也是故人益貧口益耗食益歉兵益弱而屯田益不  
興矣近日差官添築新堡廣招佃種似矣豈有舊堡  
未充而更能實新堡者乎豈有不為防守而敢遠耕  
者乎豈有將不得人而人得生聚者乎又譬之家政  
農桑薪水賓客祭祀之類動必相連豈有餘事皆廢  
而一事獨舉者乎是故有將而後有兵有兵而後有  
人有人而後有土有土而後有財有財而後兵益振  
也益舉矣他如李淮之議曰欲將見堡量給以馬無  
事令其瞻望而耕耘有事得以聯絡而馳逐拯溺救

焚此其近策矣蘭州舊有管糧郎中而不司文武與  
宣大事體少異已失事宜或又令其歷在催徵不更  
遠乎若以省叅一官專駐蘭州以督邊糧如近時山  
東河南京運事例而移郎中於甘州如宣大例則務  
察歸于戶部催科便于本省是或一道也  
一提督尚書金殿民題亦不刺一節要照依

祖宗朝嘉峪關外設立赤斤罕東哈密三衛事例於該鎮  
撫夷官內選差前去近邊諭以

朝廷恩威軍門殺伐利害令其各安生理如來董心向


化聽我招致就便安插護爲衛所許其次時通貢量  
加賞賚以結其心仍擇其雄傑一二人授以職事立  
爲頭目使令鈐束部落遇有緊急聲息量調人馬爲  
我策應有功一體犒賞

一總制尚書楊一清題今二種殘賊將蕃族戕害已甚  
不能生存遂與之糾合爲寇西寧最被其害洮州之  
番近亦被脅合夥爲之指引道路蕃達合勢我之邊  
境其何能安此膏肓之疾腹心之患也議者動以不  
可輕舉爲言雖兵凶戰危誠宜慎重而玩寇養患亦

非所宜嘗竊譬夏上之賊勢雖猛烈如風寒者濕之病  
來則疾如風雨治之不善即能殺人然得遇良醫一  
汗而愈一七而安而湯之如瘡結胸腹間日前飲  
食起居雖若無恙久而不療元氣日漸消耗後將難  
圖興言及此豈得不思所以處之而徒玩時愒日以  
僥倖于無事哉且阿爾禿廝已遁止是亦不剩一枝  
大約精騎不過二三千人其餘皆脅驅番人勢非得  
已然地土被其奪占骨肉被其殺戮帳房被其燒燬  
藥畜被其搶虜欲報怨讐而復其故產人豈無是心







皇明九邊考卷第...

固原鎮

兵部職方清吏司主事長沙魏煥編集

疆域

固原開城縣地也成化以前套口采穢平固安番之  
 間得以休息所備者靖虜一而耳仍以陝西巡撫總  
 兵提鎮此邊與三關事體相同自弘治拾肆年火節  
 入掠之後遂為虜衝固原所轄則有黑水鎮戍平虜  
 紅古板井彭陽等城西安州海刺都等營環慶則有

走馬川青平山城甜水等城堡靖虜蘭州則有乾益池打刺赤一條城十字川西占城積積灘等堡處處可以通賊十五年本部議奏設總制于固原推用本部尚書秦紘兼左副都御史後總制皆住劄此城于是始改立州衛以固靖甘蘭四衛隸之嘉靖十八年因主事許論議以總制移鎮花馬池仍以陝西巡撫總兵提鎮此邊

西安府七十里至

咸陽縣六十里至

底張驛六十里至

乾州七十里至

永壽縣九十里至

邠州七十里至

宜祿縣八十里至

瓦雲驛五十里至

涇州六十里至

白水驛七十里至

平涼府八十里至

左寧驛九十里至

隆德縣五十里至

靜寧州九十里至

青家驛六十里至

會寧縣六十里至

西鞏驛六十里至

定寧縣六十里至

秤鈎灣驛六十里至

清水驛六十里至

猪嘴驛六十里至

蘭州蘭州驛

保障考

固原在寧夏之南，番、明要害之地。弘治間，總制秦綏築內邊一條，自饒陽分起，西至徐斌水三百餘里。係固原地界，自徐斌水起，西至靖虜堡，寬窄止長六百餘里，亦各修築。至今三、二、八月各修理一次。屹然爲關中重險，東向可以顧榆林，西向可以顧甘肅。總兵遊擊守備皆住劄于中，猶室家之有堂與也。東之十胡也，以花馬池一帶爲門戶，西之于番也，以西蘭一帶爲門戶。庭有故總制運籌于中，總兵參遊是

兵會各鎮折衝于外，處置得宜，全陝無憂矣。

責任考

巡撫都御史一員駐劄陝西城坐名

勅書

責任操練軍馬脩埤城池措置糧儲禁革奸弊特常在於腹裏往來撫安軍民遇冬有警言前去固原靖虜等處節制所部防禦虜寇

鎮守陝西總兵官一員駐劄固原城坐名

勅書

責任操練軍馬撫恤兵民修理城池防禦賊寇若遇有警言一於固原等處領軍殺賊凡軍旅等項一應

重務須與巡撫都御史公同計議停當處置事有應  
與巡按三司會議者亦須從長定議而行不許偏執  
已見有誤事機必須持廉秉公正已率下務俾地方  
寧靖事安人安庶稱斯任毋或貪肆以取罪愆

分守岷岷河叅將一員駐劄洮州坐名

勅書

責任專一提調岷河二衛守備等官操練人馬脩理  
邊塹如遇叅賊出沒以時撲滅一遇虜寇侵犯會調  
岷鞏客兵督令各該守備互相應援併力防勦以靖  
地方俟賊退敗安兵發回不許經年調住費用錢糧

凡事須與整飭邊備副使從長計議而行仍聽陝西  
鎮巡官節制

分守蘭靖叅將一員駐劄蘭州坐名

勅書

責任操練軍馬修理城池提調各守備官嚴謹設備  
防禦虜寇仍查應該增脩邊防及時修理出境屯曠  
流民設法巡察務在擒捕禁絕毋滋邊患仍聽鎮巡

官節制

遊擊將軍一員駐劄固原坐名

勅書

責任統領遊兵三千員名專在環慶固靖等處往來



截殺聽鎮巡官節制尤須守法奉公正已率下慎終  
如始以副委任

守備環慶官一員駐劄環慶不坐名 勅書

責任常在環縣不時往來慶陽槐安柔遠等城堡操

練軍馬脩理城池防禦屬寇保障居民凡事須聽鎮

巡官節制尤須持廉秉公正已率下圖副委任不許

干預民事貪贖貨利敢有故違法不輕貸

守備靖虜官一員駐劄靖虜不坐名 勅書

責任務要操練軍馬修理城池防禦賊寇保障居民

軍中事宜須與整飭兵備副使計議俾當而行仍聽

鎮巡官節制

守備岷州官一員駐劄岷州不坐名 勅書

責任務要操練軍馬修理城池撫馭番夷保固地方

所在衙所俱聽調度仍聽鎮守該路叅將等官節制

尤須持廉秉公用副委任如或贖貨害人法難輕貸

守備固原官一員駐劄固原不坐名 勅書

責任務要操練軍馬修理城池撫恤土達督瞭墩臺

防禦虜寇保障居民一應機宜須與整飭兵備官計

議得當而行仍聽鎮巡等官節制其軍前應行事務各聽本官提調敢有抗違者輕則呈稟鎮巡處置重則指實叅奏拿問本官尤須持廉秉公正已率下圖副委用如或貪黷僨事徇私雲下玩愒歲時廢弛邊備法不輕貸

守備西固城官一員駐劄西固城

劄付

責任務要用心操練軍馬修理墩臺撫恤軍士防禦虜寇尤須持廉秉公圖稱委任不許貪酷害人自取罪矣

守備階州官一員駐劄階州

劄付

責任務要操練軍馬修理城池禁約私茶撫制番夷保安軍民尤須持廉秉公圖稱任使如或貪酷害人致壞邊務罪不輕貸

守備河州官一員駐劄河州不坐名

勅書

責任務要操練軍馬修理城池防禦虜寇撫治番夷保障居民凡事悉聽鎮巡衙門節制尤須持廉秉公如或貪黷僨事法不輕貸

整飭延安兵備副使一員駐劄鄜州不坐名

勅書

責任時常操練軍快脩理城池緝捕盜賊撫安軍民  
問理刑名禁革奸弊一應地方事宜務要區畫詳明  
處置周悉仍聽撫巡等官節制其所統軍士就於潼  
關西安左等四衛每年防護官軍內量撥一千員名  
分爲二班輪流防守有警調用截殺無事訓練操習  
合用糧草仍於該州并 中 部宜若三縣起運數內  
存留以濟供餉

整飭固原兵備一員駐 固原不坐名 勅書

責任專一操練軍馬修理城池撫恤軍士防禦賊寇

兼理詞訟禁革奸弊中間事情重大應與各該守備  
都指揮計議者務要會議停當而行仍聽鎮守巡撫  
官員節制

撫治商洛右叅議一員駐劄商州不坐名 勅書

責任專在提督官軍民壯人等撫治商洛等處兼分  
守漢中一府地方九商洛流民及漢中府事宜悉聽  
往來處治務要盜息民安地方寧靖

整飭岷岷兵備副使一員駐劄岷州不坐名 勅書

責任專一整飭岷岷等衛并文縣階州西固城等處

地方邊備操練軍民修理城池之類管糧儲禁革奸弊  
撫治土達番夷所屬軍職果有貪利害人等項聽從  
指實參奏如遇番夷出沒爲非公同守戰重大邊備  
悉聽總督鎮巡官員節制

查理臨鞏平涼軍器兵備一員駐劄蘭州不坐名 勅書  
責任專管臨鞏平涼三府軍衛有司簡選軍馬民社  
查理軍器修以理堡塞編充保甲設備墩塘務要精銳  
堅固以防虜患

整飭邠涇等處兵備兼管分巡關內道官一員駐劄邠

州不坐名 勅書

責任專在邠州駐劄操練官軍已壯緝捕盜賊軍衛  
有司官俱聽節制境內牧地軍民俱聽鈐束

整飭潼關兵備一員駐劄潼關不坐名 勅書

責任專一整飭兵備提督潼關衛及河南閩鄉靈寶二

縣陝西華州華陰同知朝邑四州縣山西蒲州并附

近各關各巡檢司官吏軍民兵民以及調來防守官軍

時常操演嚴加比較務令武藝壯熟士氣振揚無事

堪以保障遇警足以截敵仍備其城池截守關隘周

理刑名禁革奸弊一應地方事務要區書詳明處  
置周悉小則從便施行大則具奏

定奪仍聽各省鎮巡官節制軍衛有司官員敢有貪殘壞  
事聞革不職應提問者徑自提問應參奏者照例施行  
整飭鞏昌兵備一員駐劄秦州不坐名 勅書

責任專在秦州駐劄居平就近撫安軍民禁捕盜賊  
仍兼分巡隴西道地方如鞏昌府屬關山胡店等溝  
與各州縣地方但有盜賊生發俱聽調度各該衛所  
有司官軍兵快人等設法勦撫及階州西固城守備

如果地方賊情重大方許調取依聽前來不許推托  
誤事

軍馬考

本鎮所屬陝西都司管操領官軍并守備固原靖虜環  
慶蘭州洮州河州岷州西固城階文等處實在并事  
故官軍土達民壯鄉導義勇召募抽選合餘共六萬  
七千二百九十四員名

實有馬步二萬三千七百四十九員名

實有在邊等項一萬九千四百五十員名



公差巡捕并各邊備禦等項二萬四千九十五員名

陝西城操備官軍舍餘五千五十一員名

實有馬步二千五百六十五員名

公差商洛等處防守一千四百八十六員名

事故在邊等項一千員名

固原等處備冬西安左等衛馬步官軍并召募舍餘五

千三百八十七員名

實在馬步四千八十員名

公差遊兵等項馬步常操一百九十八員名

事故在邊等項一千一百九十三員名

蘭州駐劄防守河橋蘭州等衛所馬步官軍并召募民

壯土兵共一千九十八員名

實在馬步官軍九百二十七員名

事故在邊等項一百七十一員名

守備西固城地方固原衛所馬步官軍舍餘土兵民壯

鄉導召募一萬一千九百九十三員名

實有馬步五千八百五十二員名

公差巡守墩隘等項二千四百六十員名

事故在邊等項三千六百八十一員名

守備靖虜地方靖虜衛所馬步官軍舍餘召募五千五

百八十員名

實有馬步一千七百五十八員名

公差巡守墩隘馬步七百六十七員名

事故在邊等項三千五十五員名

守備環慶地方慶陽衛所馬步官軍舍餘義丁三千三

百七十八員名

實在馬步一千八百三十二員名

公差巡哨墩隘等項一千五十三員名

事故在邊等項四百九十三員名

朔州千總所管甘肅等衛所馬步官軍舍餘召募六千

九百六十六員名

實在二千三百五十六員名

公差巡哨墩隘堡并甘肅備禦等項官軍二千八百四

十八員名

事故在邊等項一千七百六十二員名

洮州千總所管洮州衛馬步官軍舍餘召募六千四百

二十二員名

實在馬步八百一十五員名

公差巡守墩隘及分守東西北三路接伏守隘等官  
軍一千一百六十一員名

事故在逃等項三千九百四十六員名

守備河州地方河州衛馬步官軍

千八百一員名

實在馬步五百六十一員名

公差巡墩把隘并井涼備禦等項五千九百四十員名

事故在逃等項三千三員名

守備岷州地方岷州衛馬步官軍會餘土兵召募五千

九百九員名

實在馬步六百五十七員名

公差巡墩并井涼備禦等項四千五百五十五員名

事故在逃等項六百九十七員名

守備西固城地方西固城千戶所官軍會餘土兵召募

一千二百三十員名

實在馬步四百二十五員名

公差巡墩等項七百七十八員名

事故在逃等項一十七員名

守備階文地方階文二所馬步官軍會餘召募土兵民

壯鄉導四十四百八十九員名

實在馬步一千九百二十一員名

公差巡墩并莊浪備禦等項二千三百四十九員名

事故在逃等項二百一十九員名

馬政

陝西行太僕寺管轄平涼慶陽秦州固原四衛騎操馬匹

陝西苑馬寺長樂監訓練開成安定廣寧黑水四苑靈武

監隸濟平萬安二苑草牧馬匹舊馬四千八百餘匹

并新增種馬一千匹養馬軍人一千一百六十四名

錢糧考

固原鎮陝西歲入本鎮

夏稅秋糧共二十二萬五千四百四十九石九斗零

各折不等共折銀一十六萬七千三百九十六兩六

錢零

草二十八萬三千二百三十六束折銀八千一百六

十九兩三錢六分

一固原一鎮處處可以通賊况達虜住套多邊奸細入境探我道路知我虛實聲東擊西多窺我之無備修來修去每乘我之所忽故要害去處固當多積而僻小城堡亦難全虛不止供給按伏生兵又欲支用經過人馬本鎮歲用軍餉原係陝西所屬州縣起運糧草并本處衛所屯糧俱給若所司官員果能及時催徵依限完納一歲之徵自足一歲之用此地近腹裏自來無有年例銀兩先該巡撫等官連章具奏本部

累次

飭發銀兩并總制衙門及部奏郎中奏帶銀兩分派陝

西一鎮三年之間共計五十七萬一千八百餘兩比

之延寧等邊有年例之處其數加倍見總制務一清

邊夷考

邊夷為此鎮之患者即套虜與西番也其詳見榆林

年譜弘治十三年虜酋火篩大舉住河套十四年總

兵官保國公朱來太監苗達都御史之麟帥京營官

軍詣榆林調集各路軍馬號稱十萬分布常州等處



禦之侍郎李 鑾總督軍餉也運入虜之粟隨軍供給  
虜獲數萬田花馬池深入固原女會華囊大掠而出  
官軍戰死者甚衆

十八年虜五萬餘騎由花馬池之柳楊墩西它墻深  
入固原平涼女會等處大掠而出

正德十年正月李虜二萬餘騎由花馬池鎮邊墩起  
至石井兒墩止折墻深入固原等處搶掠而出本年  
七月套虜二萬餘騎由花馬池楊柳墩起至青羊井  
墩止折墻深入平涼臨鞏直抵隴州大掠而出

嘉靖元年六月虜二萬餘騎由井兒等墩折墻深入  
固原平涼直抵涇州大掠而去

嘉靖六年六月二十六日套虜鎖金兒伯通帥衆一  
千七百餘騎到于花馬池西北石白兒墩折開邊墻  
口一十九處入境經過鐵柱寨小塩池肅州下馬房  
平虜所鎮戎所提督尚書王憲預調延綏寧夏固原  
官軍二萬七百人分路按伏至是賊至八營攻門固  
原鎮參將劉文等督兵擊之近至地名細溝墩斬首  
九十三級餘賊奔潰至地名哲思溝榆林副總兵趙

英等邀擊斬首三十二級二十九日賊至平虜所地  
名青陽嶺榆林遊擊卜雲邀擊斬首九十五級賊回  
過寧夏地方總兵官杭雄等邀擊斬首九十五級前  
後共斬首三百三級得獲連馬五百二十三匹餘賊  
由原路石臼兒墩壩口遁出鎖合兒伯通死于陣自  
來北虜入寇官軍禦敵未有若此克捷者也

嘉靖十九年六月初六日總制劉天和親詣花馬池  
調度防衛奉帶管糧茶參政張邦教屯田僉事李良  
八月二十一日虜酋吉囊領大勢達賊五六萬從定

邊營搗牆而入是日雷雨大作連旬不止泥濘滑  
馬腹不能馳逐天和調集都御史楊守禮趙廷瑞戶  
副忠各鎮參遊守備官軍四路分布隘口城堡暗伏  
夾攻九月初一日虜至硝河城結營自固不敢縱掠  
初五日陝西總兵魏時兵遏其南黃恩兵阻其西崔  
嵩楊琮之兵擊其北鄭東王陞高陽陳爵等之兵聯  
絡以擊其背邊兵四集魯賸等所統在浪西寧涼永  
援兵接踵渡河軍聲大振三鎮共斬獲首級四百四  
十顆內一顆係吉囊第二子號小十五一顆吉囊妻

弟大酋爲軍人張奴兒野五斤所斬器械牛馬不可

### 勝計捷

閩總督巡撫鎮守等官俱寫

勅獎勵劉天和加太子太保蔭一子錦衣世襲正千戶楊  
守禮陞兵部尚書趙廷瑞尹嗣忠陞兵部右侍郎任  
傑魏時周尚文俱陞都督同知鄭東張鵬各陞二級  
張邦教李良各陞一級張奴兒與倣指揮僉事野五  
斤與倣副千戶其餘俱陞賞有差自來防禦比虜斬  
首數多未有若此者也

十一月北虜吉囊等見兵威大振自懷疑懼俱出套  
分作二枝一枝往東勝城地方大同兵邀擊之斬首  
九十顆一枝往賀蘭山外莊浪兵邀擊之斬首一百  
三十顆寧夏兵邀擊之斬首四十九顆一時套中俱  
無虜矣

### 經畧考

固原與寧夏爲唇齒花馬池一帶邊人謂之大門併  
力堅守花馬池則固原自可無虞而響石溝至靖虜  
一帶脩築又在所緩蓋力分則勢弱寇已入門主人束

手故愚以爲總制不住花馬池則固原未可息有也靖虜一帶每歲黃河水合一望千里皆如平地若賀蘭山後之虜踏冰馳蹕則蘭靖安會之間便爲禍階若調兵防守冰凍而西風臨鞏之卒多未經戰豈能捍禦愚又以爲不添沿河之堡不屯常戍之兵則固原人未可息有也

詭固原總制非獨爲套虜設西番亦賴控馭嘉靖八年固原兵馬悉至花馬池防御西番棄虛深入臨鞏殺掠太多巡按御史胡明善劾奏方起王瓊總制况

花馬池漫延三百餘里總制調操兵馬不過數千求夫西豈能周匝總制鑿天和方移鎮花馬池虜自鎮邊營折牆而入直抵固原事可知矣不若仍鎮固原使凜然有虎豹在山之威而套虜西番俱不敢深入尤爲長計

一徵調客兵他鎮有事則然無事則已若固原防守之戍每歲九四閱月而募糧不爲之處尚在本兵額內支給知之何其不吝乎小塩池批驗舊在固原商旅納貨期以填實此地而上邊移置下馬房其見偏

矣夫固原中制之地也總督所任戎務攸關視他處

爲尤重可無備乎

見九邊論

一靈州塩課司大小塩池所産塩川與鮮池相類不勞  
煎晒不煩人力爲利甚博取之無窮弘治以來大塩  
池增一萬五千引小塩池增三萬四引先年止是召商  
中納馬匹分給邊鎮騎操後因各邊交爭互取多寡  
不均故有間年關領之例又因中馬之人勢囑賄道  
濫收不堪馬匹故有收價之例畢竟爲馬而設未嘗  
別用今查每引納銀貳錢伍分昭塩一車以六石爲

則外有多餘依律制放至固原

收取引銀壹錢通共每引得銀一錢五分每年該銀

二萬七百六十餘兩塩馬舊例上馬一匹給塩一百

引中馬一匹八十引大約納銀鮮邊易馬則事省人

便官商兩爲有益着納馬鮮邊則秣飼屬之何人運

鮮不勝其擾

一總制揚一清題自弘治十四年以來套賊擁衆深入

延寧地方不能捍禦馳騁長驅兩日夜可至固原分

散醜類靖寧隆德會寧安定一帶州縣俱被剽掠直



抵鞏昌秦州地方近年又侵過平涼蹂踐我涇州等  
州縣得利而歸不魯邊控將來鳳翔西安內郡安保  
不遭毒害見今鎮兵素弱要依弘治十五年太僕少  
卿王質題准事例召募軍丁及先年本部題

准事理臨邊各路土著軍民舍餘人等有能奮勇設謀斬  
獲賊級一顆隨即賞銀三十兩生擒一名賞銀五十  
兩若能糾集鄉丁敵殺賊衆斬首至五顆以上者爲  
首者加陞署所鎮撫又一件今後各該官軍有能斬  
獲賊級一顆爲首者賞銀四十兩生擒一人者賞二

十兩各爲從者量爲給賞以激勸人心鼓舞士卒

王質事例見總考

一總制揚一清設備今套內既稱有賊雖不露形跡恐  
其竊伏深藏待後青草長茂馬匹臆壯之日難保其  
不大舉深入防禦之計不可不謹但沿邊一帶地里  
寬漫虜賊便于馳驟各守臣兵馬寡少豈能遏其初  
來之鋒必須徵調鄰境精兵會合截殺乃克有濟行  
今遊擊將軍張鳳統領遊兵於花馬池營住劄遊擊  
將軍劉淵統領遊兵於定邊營住劄副總兵趙英統

領奇兵暫於寧塞營住劄若哨探前賊有西行之勢  
遊兵二枝俱於花馬池副總兵趙英移于定邊營各  
住劄量分人馬於安定柳楊等附近城堡寧夏副總  
兵劉玉統領奇兵于興武營遊擊將軍周倫叅將冉  
鑿于紅寺兒堡常州鹽池石溝等處住劄總兵官种  
勛待有的確警報統領正兵于靈州駐劄與各該守  
備等官各按兵秣馬鋒利器械以逸待勞仍要嚴謹  
弁候多差夜不收遠爲接哨沿途多設塘馬但有煙  
塵消息即便傳塘走報鄰境官兵隄備賊果近邊各

分據要害占守水頭從宜阻遏寇小至則取

如賊大至即便會合各枝人馬相機截殺不致

畏縮失機事機亦不得輕率寡謀墮賊奸計如

舉深入陝西鎮巡徵調即便刻期赴援不許觀望

托陝西遊擊及主將兵馬待巡歷因原審勢分布另


一總制劉天和會兵禦虜圖畧花馬池興武營伏寧

兵六千或伏榆林遊兵三千小鹽池伏寧夏兵三千

定邊營舊安邊營伏榆林兵九千或分三千遊兵在

花馬池樓伏常州伏中衛叅將五百靖虜圍原二千

五百共三千萌城等處伏固原遊兵三千固原鎮戎  
平虜伏固原正奇兵四千靜寧等處伏洮岷兵一千  
五百花馬池東至定邊營六十里至蘆安邊營一百  
五十里西至興武營一百二十里至清水營一百九  
十里至靈州二百六十里西南至小鹽池一百八十  
里至肅州二百四十里至平虜所三百六十里至鎮  
戎所四百五十里至固原六百里以上共集兵三萬  
一千五百之數恐無糧草或城小難容許於鄰近城  
堡分往如中衛兵在鳴沙州靖虜其在西安州海剌  
都之類臨時仍會合一處此舉賊必疑須專用鎗  
砲爲前鋒及用挨牌拒馬鎗等項各營庶不被賊衝  
亂營陣初伏兵時依此圖若臨賊情變動隨賊向  
往聯絡會合不拘一定務在各領軍官齊心協謀互  
相傳報併力前進不許逗遛遲延自取重罪





方今承平日久武備方設留心家國者得是集而考之則內  
外華夷之辨古今形勝之詳計以險要之樞國計虛實之故  
夷情之順逆謀慮之淺深可達美懿哉先生之用心乎夫  
兵政以邊防爲急集事以濟時爲良忽急務而不講是謂荒  
政稽時宜而鮮實是謂無機於乎文馬已爾而何益于治  
是書也其經國者之遠猷哉古稱之以廣其傳歟海東子  
曰然

嘉靖二十年辛丑歲冬十月

賜進士試兵部政長沙門生黃策拜十謹書

叙九邊考後

九邊考其有明字

國家禦戎之猷大矣哉我

太祖河掃胡元肇造區宇

成祖廟清幽薊鎮龍言邊陲

列聖相承來王宗享繼我

皇上攬權九五中外百執事罔不成勵厥職

君臣一德曷敢覬覦今觀司馬魏東洲公邊考二集酌

古叅今詳審精密而九疆域保障責任重焉誠



經畧之類次第分明無所滲漏使廊廟縉紳得斯集者開卷披閱而醜虜之虛實豁然於心目中自非東洲公先憂後樂之志蘊於平生扞夷衛夏之心盡於試用而不寐耿耿惟切顧慮敷之政事而紀諸簡編者耶耶東洲公之忠績可以驗中外官師之惕勵而徵我

國家禦戎之猷之重遠矣然而弊每生於法外慮或弛於承平故苞桑之戒周公所以惓惓於泰否之交也方是時海宇雖乂宴而天驕未盡殄式廓雖益增

而氛氣未盡消被化之民安雖帖服而元氣未盡固用武之英雄雖周集而微庸未盡効勛此未僚愛

君憂

國之心未嘗不蚤夜忡忡也尚冀夫受邊寄者於陰夷之辨恒有如馬援防守之嚴恒有如郝昭將領之職恒有如子儀騎射之精恒有如敬德芻糈之給恒有如馬岱籌畫之審恒有如子房兼之參機務首肯附於協和理陰陽者皆順乎調燮則

九重無淵表之軫而億萬年無疆之休可保矣故曰

考有關於

國家禦戎之猷大矣哉

嘉靖甲辰年四川夔州府奉節縣知縣趙鳴鳳謹上

